

Paulo Éfesokãharãre ohâka pûri niî'

A'ti pûri a'tiro weéro ohâ no'opã niisé niî'

Paulo a'ti pûrîre Romapi bu'ri da'rerî wi'ipi niîgi, ohâki niîwî.

A'ti pûrîre Ô'âkî hi kîî weé sî'ri'karo nohota kîî iarî tero niiká, niî pe'tirãre, niî pe'tisere Jesu Cristo doka tohaká weegísami niisére ohâki niîwî. Tohò niiká Judeu masa, Judeu masa niítirãre Jesu Cristo me'ra ni'ká ipita niîma niisére ohâki niîwî. Misâ weesétisere ni'ká wi'ikãharã Ô'âkî hi yaa kurakãharã weeró noho weeró iá' niisére ohâki niîwî. Yã'aro weesére ka'mú ta'aro iá' niisére ohâki niîwî.

Paulo Jesu Cristore êho peóri kurakãharã Éfesopi niirãre ohâ'ke niî'

1 Yiî Paulo Jesu Cristo bese kûú'ki niî'. Kîî yiî're Ô'âkî hi iá'karo nohota kîi yeé kitire werê dutigi kûúwî. Misâ Ô'âkî hi yarãre, Éfesopi niirãre äyu dutí'. Misâ Jesu Cristore êho peó nu'ku'.

²Misãre Ô'âkî hi marî paki, Jesu Cristo marî wiðgi äyuró weeáto. Misãre äyuró ehêri põ'ratikã weeáto.

Cristo me'ra Ô'âkî hi marîre äyuró weé'ke niî'

³Ô'âkî hi, marî wiðgi Jesu Cristo pakire “Äyú!” niirã. Cristo yarã niî yuukã, Ô'âkî hi marîre äyuró weéki niîwî. Marîre ma'ígi, niî pe'tise i'mîsepi ehêri põ'rakãhase äyusére o'ðki niîwî.

⁴A'ti nukúkã weeátoho diporo kîî marîre bese yuú tohaki niîwî. Cristore êho peorã kîi yarã sãharãsama niî wãkûgi, tohò beséki niîwî. Marîre kîî i'yóropire äyurã, bu'ri moorã niíato niîgi tohò weéki niîwî. ⁵Diporópi kîî marîre ma'ígi, kîî põ'rã wa'ãrãsama, niî tohaki niîwî. Jesu Cristore êho peoáto niîgi marîre tohò weéki niîwî. Teeré weégi, kîî weé sî'ri'karo nohota weéki niîwî. ⁶Kîî makí kîî ipíti ma'ígi me'ra marîre äyuró weéki niîwî. Tohò weerã kîî marîre äyuró weé'kere wãkûrã, kîîre e'katí peo nu'ku'. ⁷⁻⁸Ô'âkî hi marîre ipíti ma'ígi, kîî makiré o'ðki niîwî. Kîî kurúsapi wërisé me'ra, kîi yeé dií a'mã birose me'ra marî yã'aro weé'ke wapare wapa yeéki niîwî. Teé me'ra Ô'âkî hi marî yã'aro weé'kere akobohóki niîwî. Marîre äyuró weégi, tohò weéki niîwî. Kîî marîre äyuró weesére masiáto niîgi masisére, ti'o masisere

marîre o'ô yî'ri mahaki niîwî. ⁹Marîre kîî weé sî'ri'ke, too dipóro masî no'oya marî'kere masiká weéki niîwî. Kîî Jesu Cristo wêrisé me'ra kîî yarâre “Áyuró weé tu'a eha ni'kogiti” niî'kere masiká weéki niîwî. ¹⁰A'ti imí koho pe'tiká, niî pe'tise Ô'âkî hi “A'tîro wa'ârosa” niî'karo nohota wa'ârosa'. Tohó wa'aká, kîî íá'karo nohota weegísami. A'tîro weegísami. Kîî niî pe'tirá i'mîsepi niirá, a'ti nukúkâpi niirá re Cristore naâ dipoá sôróogísami.

¹¹Ô'âkî hi marîre Jesu Cristo me'ra niîkâro me'ra niî dutigi diporópi bese yúúki niîwî. Marîre kîî “O'ôgiti” niî'kere yê'ê dutigi tohó weéki niîwî. A'té niî pe'tise kîî “Weegíti” niisé kîî wâkú yuu'kepi niî'. Kîî niî pe'tise áyú ti'sa' niisére weesamí. ¹²Kîî a'tîro weégi, ísâ Cristore êho peó mi'tarâre áyuró weeká íági beséki niîwî. Ísâ áyuró weesé me'ra masá kîî Ô'âkî hire “Áyú butia'gi niîmi” niî wâkuáto niîgi tohó beséki niîwî. ¹³Cristo kurúsapi wêri'ke me'ra misá kê'ra Ô'âkî hi yarâ wa'âwi. Misá diakî hí kâhase Cristo yee kitire ti'órâ, kîî re êho peówi. Kîî yéé kiti a'tîro niî'. Marî peká me'epi wa'â boo'kârâre yî'ri wetiká weéki niîwî. Kîî re êho peókâ, Ô'âkî hi misâre kîî yarâ tohaká weéki niîwî. Yarâ niîma niisére í'yó sî'rigi, misâre Espírito Santore o'ôo'ki niîwî. Espírito Santo Ô'âkî hi “Misâre o'ôgiti” niî'kita niîmi. ¹⁴Ô'âkî hi Espírito Santore marîre o'ô tohaki niîwî. Tohó weerá marî masí'. Diakî híta niî pe'tise kîî “O'ôgiti” niî'kere o'ôgisami. Kîî o'oátehere yúú kuerá weé'. Kîî yarâ niî pe'tirá yá'áro weeséti niîmi'kârâre yî'ri wetí pe'tiká weegísami. Tohó weéka be'ro kîî “O'ôgiti” niî'kere o'ôgisami. Kîî tohó weeká í'yârâ, masá Ô'âkî hire “Áyú butia'gi niîmi”, niîrâsama.

Paulo Éfesokâharâre sêri basáse niî'

¹⁵⁻¹⁶Yî'î misá áyuró weesére masí'. Misá marî wiôgi Jesuré êho peó'. Tohó niiká niî pe'tirá Ô'âkî hi yarâre ma'í'. Misá tohó weeká wâkúgi, yî'î Ô'âkî hire sêri basásetiri niki kîî re “Áyú” niî nu'ku'. ¹⁷Ô'âkî hi, marî wiôgi Jesu Cristo paki áyú butia'gi niîmi. Kîî re misa yeé niíátehere a'tîro sêri basá': “Ô'âkî hi, Espírito Santo ti'o masíse o'oáto naâre. Mi'î yeékâhasere áyuró í'yoáto. Nemoró mi'î re masí dutigi tohó weeáto. ¹⁸Ô'âkî hi, naâ ti'ó yá'asepi mi'î yeékâhasere masiká weeyá. Mi'î naâre áyuró weé sî'rigi beséki niîwî. Niî pe'tirá mi'î yarâre áyú butia'sere o'ôgisa'. A'teré naâre áyuró masiká weeyá. ¹⁹⁻²⁰Mi'î tutuá yî'rigi niî'. Mi'î tutuasé neê pe'tisomé. Teé me'ra ísâ Jesu Cristore êho peórâre díka yúúgi weé'. Mi'î tohó weesére naâre masiká weeyá”, niî sêri basá'. Ô'âkî hi tutuasé a'tîro niî'. Kîî, kîî tutuasé me'ra Cristo wêri'kipire masaká weéki niîwî. Kîî masa miháaka be'ro kîî re kîî tiro i'mîsepi wiôgi duhirí kumuro diakî hí pe'e dipóki niîwî. Kîî tutuasé me'rata kîî iaró noho marîre díka yúúgi weemí. ²¹Ô'âkî hi Cristore a'tîro weéki niîwî. Niî pe'tirá a'ti nukúkâpi niirá, i'mîsepi niirá, naâ wiôrâre, no'ó âpêrâre dutirá nohore naâ bu'ipi tohaká weéki niîwî. A'ti imí kohopi, ape imí kohopire tohóta weé nu'kukí 'sami. ²²Ô'âkî hi niî pe'tisere, niî pe'tirâre Cristo doka tohaká weéki niîwî. Tohó niiká niî pe'tirá Cristore êho peóse kurarikâhará dipoá sôróoki niîwî. ²³Niî pe'tirá kîî re êho peóse kurarikâhará ni'ká kura niîma. Tii kurákâhará kîî ipí weeró noho niîma. Tohó niiká Jesu Cristota niî pe'tiropi niî bi'aká'sami. Kîî re êho peóse kurarikâhará kîî iaró wee masíma. Tohó weéro naâre áyuró wee masíse dí'sá weé'.

Õ'ákî hi marîre ma'ígi yî'rió'ke niî'

2 Too dipóropi Cristore êho peoátoho diporo misâ yâ'áro weékārā niîwi. Misâ yâ'áro weé'ke bu'iri Ô'ákî hi î'yóropire wēri'kārā weeró noho niîkārā niîwi. ² Āpērā a'ti nukúkākāharā weeró noho yâ'áro weé nu'kukārā niîwi. Wātiā wiógi iaró noho weékārā niîwi. Kîî a'ti nukúkākāharā Ô'ákî hire yî'rî ni'karāre dutigî niîmi. ³ Too dipóro marî niî pe'tirā tohōta yâ'áro weé nu'kuwi. Yâ'áro weé sî'risere iāri pehawi. Marî no'ó iaró weé sî'rise nohore, yâ'áro wākusé nohore weewî. Tohō weērā marî kē'ra Ô'ákî hire bu'iri da'rê no'o boopā. Āpērāre pekā me'epi kō'ā, bu'iri da'rerō weeró noho da'rê no'o boopā. ⁴ Kîî pe'e marîre ipîti ma'ígi, pahā yâ'ase kió yî'riawî. ⁵ Marî yâ'áro weé'ke bu'iri Ô'ákî hi marîre “Wēri'kārā weeró noho niîma”, niî î'yāwî. Cristore êho peóka be'ro marîre “Cristo me'ra ni'kāro me'ra niîma”, niî î'yāsami. Kîî Cristore masó'karo nohota marî kē'rare katisé pe'titísere o'óki niîwi. Tohō weégi Ô'ákî hi marîre pahā yâ'agi, yâ'arā niîmi'kārāre yî'rióki niîwi. ⁶ Ô'ákî hi Jesu Cristore masóki niîwi. Kîîre masó'karo nohota marî Jesu Cristo yarāre masa mihāa'kārā weeró noho weéki niîwi. Jesu Cristo i'mîsepi wiógi duhirî kumuro duhîro nohota marîre kîî me'rata taha i'mîsepi duhî yuu toharā weeró noho niîká weéki niîwi. Yâ'áro niisétise me'ra niîsome maha. ⁷ Jesu Cristo kîî wēri basa'ke me'ra marîre ma'isére, kîî āyú butia'ro weesére î'yóki niîwi. Be'ropi niî pe'tirāre teeré masikā iāgi tohō weéki niîwi. ⁸ A'tiro niî'. Marî Jesu Cristore êho peorā Ô'ákî hi āyuró weesé me'ra yî'riwî. Teé marî basi weé'ke meheta niî'. Ô'ákî hi pe'e marîre yî'riówî. ⁹ Marî āyuró weesére î'yāgi meheta yî'riówî. Tohō weégi neé ni'kî “Yî'î āyuró weé'ke wapa Ô'ákî hi yî'îre yî'riówî”, niîta basió wee'. ¹⁰ A'tiro niî'. Marî kîî weé'kārā niî'. Jesu Cristo yaa kurakāharā niî dutigî tohō weéki niîwi. Diporópi marî āyuró weeátehere wākú yuu tohaki niîwi. Teeré āyuró wee dutigî marîre Jesu Cristo yarā wa'akā weéki niîwi.

Marî Jesu Cristo me'ra āyuró niîkā' niisé niî'

¹¹ Misâ too dipóropi niiséti'kere wākûya. Misâ Judeu masa niî wee'. Tohō weērā Judeu masa o'rekihî yapa kaserore yehé kō'arā, a'tiro niîsama misāre: “Naā yehé kō'a no'oya marirā niîma.” Naā basi pe'e “Īsā yehé kō'a no'o'kārā Ô'ákî hi yarā niî'”, niîmisama. Misâ pe'ere “Ô'ákî hi yarā niîtima”, niîsama. Tohō weesé ipipî weesé di'akî niî'. Tohō weesé masaré Ô'ákî hi yarā wa'akā weé wee'. ¹² Tiitapire misâ êho peoátoho diporo Cristore moókārā niîwi. Misâ Ô'ákî hi yarā Israel kurakāharā me'ra niîtikārā niîwi. Ô'ákî hi Israel kurakāharāre a'tiro niîki niîwi: “Naāre āyuró weegî. Naā wiógi niîgiti. Yarā niîrāsama”, niîki niîwi. Misâ pe'ere tohō niîtiki niîwi. Misâ Ô'ákî hi isāre yî'riógisami niisére masitikārā niîwi. Ô'ákî hire moókārā niîwi. ¹³ Ni'kārōakā pūrikāre misâ Jesu Cristore êho peorā niî'. Tohō weērā too dipóropi kîîre masítimi'kārā kîî yarā wa'ākārā niîwi. Cristo kîî wērisé, kîî diî a'mā bírose me'ra misāre kîî yarā wa'akā weéki niîwi. ¹⁴ Cristo niîmi marîre āpērā me'ra āyuró niîká weegî. Kîîta marîre Judeu masare, Judeu masa niîtirāre ni'ká kurakāharā wa'akā weéki niîwi. Marî a'mēri î'yā sî'ritimi'kere du'ukā weéki niîwi. ¹⁵ Kîî wērisé me'ra Moisé dutî'kere weērā, neé ni'kî yî'ri wetî masitimi niisére masikā weéki niîwi. Tohō weégi Cristo piá kura niîmi'kārāre kîîre êho peókā î'yāgi, ni'ká kurata weéki niîwi. Tohō weesé me'ra marîre āyuró ni'kāro me'ra niisétikā

weéki niíwī. ¹⁶Kīî kurúsapi wērisé me'ra marîre Judeu masare, Judeu masa niítirā me'ra a'mēri marí pe'sútisere du'uká weéki niíwī. Kīî wērisé me'rata taha marí piá kura niími'kārāre ni'ká kura weéki niíwī. Tohō niiká teé me'rata marîre Ô'ákī hi me'ra āyuró niiká weéki niíwī.

¹⁷Cristo a'ti nukúkāpi a'tīgi, “Ô'ákī hi masá me'ra āyuró niisétisere apógi a'tíwī”, nií werēki niíwī. Í sâ Judeu masa Ô'ákī hi yeere masí'kārāre werēki niíwī. Tohō niiká misá kē'ra Judeu masa niítirā, Ô'ákī hi yeere masí'kārāre tee kitíre werēki niíwī. ¹⁸A'tíro nií! Jesu Cristo wērisé me'ra marí Judeu masa, Judeu masa niítirā nií pe'tirā marí paki Ô'ákī hire sēri masí!. Kīî re ēho peó, masíta basió!. Kīî tiropi wa'à masí!. Espírito Santo ni'ká niigí kīî wee tamúse me'ra tohō weeta basió!. ¹⁹Tohō weerā misá Judeu masa niítirā Ô'ákī hi í'yóropire apé sia'kāharā siharí masa weeró noho nií wee' maha. Ô'ákī hire masítirā weeró noho nií wee' maha. A'tíro pe'e nií!. Judeu masa Cristore ēho peorā weeró nohota Ô'ákī hi yaa kurakāharā nií!. Nií pe'tirā Cristore ēho peorā me'ra ni'ká pō'ra, Ô'ákī hi pō'ra nií!. ²⁰Marí nií pe'tirā Jesu Cristore ēho peorā ni'ká wi'i yeeka wi'ho weeró noho nií!. Tíi wi'i yeé ni'ka'ke a'tíro nií!. Jesu Cristo bese kúú'kārā, tohō niiká Ô'ákī hi weré duti'kere weré turiarā misāre neé waro bu'ê dí'pókātikārā niíwā. Teeré tí'órā, ēho peókārā niíwī. Naá neé waro yeé ni'kakaga í'tāga weeró noho Jesu Cristo niími. ²¹Yeé ni'kakaga í'tāga me'ra nií pe'tise tíi wi'káhase keoró nií nu'kuká!. Nií pe'tise apéye í'tapagá tigá yeé ni'kakaga í'tāga me'ra yeé a'mé si'o no'o!. Keoró tigá me'ra āyuró yeé turia miha no'o!. Tohō weeró noho Cristo marí kīî re ēho peókā, āpêrā too dí'póro ēho peorā me'ra āyuró a'mé si'aká weemí. Āpêrā kīî re ēho peó wá'kaká, kīîta taha marí nií pe'tirāre ni'ká kura, pahírí kura wa'aká weemí. Āpêrā marí nií pe'tirāre í'yārā, wio pesāse me'ra “Ô'ákī hi yaa kura nií!”, niírāsama. ²²Misá kē'ra Judeu masa niítirā āpêrā Jesu Cristore ēho peorā me'ra a'mé si'a, Ô'ákī hi yaa kurakāharā tohá!. Ô'ákī hi Espírito Santo me'ra misāpire niími.

Paulo “Judeu masa niítirāre bu'ê dutigi kúu no'owi” nií'ke nií'

3 Ô'ákī hi misāre ma'ígi, āyuró weéki niíwī. Kīî tohō weesére wākúgi, kīî re e'kati peo!. Yí'í Paulo misá Judeu masa niítirāre Jesu Cristo yee kitire weresé wapa, bu'íri da'rerí wi'ipi nií!. ²Misá masí'a, Ô'ákī hi misāre pahá yā'agi, āyuró weé si'rígí, yí'í re a'tíro weré dutiwi. Judeu masa niítirā kē'rare yí'riómi niisére weré dutiwi. ³Ô'ákī hi too dí'póropi masí no'oya marí'ke kitire yí'í re bahú yoaropi í'yowí. Teeré “Judeu masa niítirāre āyuró weegíti” nií'kere yí'í re masiká weewí. Yí'í misāre a'te dí'póro pehētepawa ohá tohapi. ⁴Misá teeré bu'êrā, yí'í re “Cristo yee kiti, too dí'póro masí no'oya marí'ke kitire kīî masími”, niírāsa!. ⁵Díporókāharā Ô'ákī hi Judeu masa niítirāre ye'égisami niisére masítikārā niíwā. Ni'kārōakā pūrikāre Espírito Santo me'ra kīî yará, kīî bese kúú'kārāre werēmi. Tohō niiká teeré kīî weré duti'kere weré turiarāre werēmi. ⁶Teé too dí'póro masí no'oya marí'ke kiti a'tíro nií!. Judeu masa niítirā Jesu Cristore ēho peorā, Judeu masa weeró noho Ô'ákī hi pō'ra sāharāsama. Naá kē'ra kīî o'oa'tehere ye'ērāsama. Naá piá kura niími'kārā ni'ká kura niírāsama. Ô'ákī hi “Judeu masare Jesu Cristo me'ra āyuró weegíti”, niíki niíwī. Kīî tohō nií'kere Judeu masa niítirā kē'rare weegísami.

⁷A'te kitíre Ô'ákī hi yí'í re weré dutigi kúúwī. Yí'í yā'agí niímikā, yí'í re āyuró weégi, kīî tutuaró me'ra tohō kúúwī. ⁸Yí'ífta mehó niigí waro nií

pe'tirā Ō'ākī hire ēho peorā dokapi t'í'ó yā'a'. Tohō niimikā, y'i'f re āyuró weé s'i'rigi, a'tíro weeki niwī. Judeu masa nítirāre kī'f besé'ki Cristo yee āyusé kitire werē dutiwī. Tee kití a'tíro ni'f. Ō'ākī hi Jesu Cristo me'ra āyú butia'sere maríre weemí. Teé āyusére marí wākú pōo tēó wee'. ⁹ Apêyere Ō'ākī hi ni'f pe'tirā tee kití too dipórokāharā masít'i'kere masiáto ni'ngi y'i'f re o'ó'owí. Kī'f ni'f pe'tisere weé'ki tee kitíre maata werétiki niwī. Tee kití kī'f neé waro wākú yuu'ke a'tíro ni'f. “Judeu masa nítirā Judeu masa weeró noho Ō'ākī hi pō'ra niirāsama” ni'f'ke ni'f. ¹⁰ Tohō weéro ni'f'karoakāre Jesu Cristore ēho peóri kurakāharā me'ra a'tíro wa'á. Naá pehe kurári niimí'kārā ni'kā kura wa'aká i'yārā, i'mí sekāharā wiōrā, tohō niiká wāti yarā tutuarā a'tíro masísama: “Ō'ākī hi masí y'i'riami. Áyú butia'ro wākusé kiomí” ni'f, masísama. ¹¹ Neé waropí Ō'ākī hi “Tohōta pehe kurárikāharāre ni'kā kura wa'aká weé yapatígiti”, ni'fki niwī. Kī'f ni'f'karo nohota Jesu Cristo marí wiōgi me'ra keoró wa'aká weeki niwī. ¹² Cristo me'ra marí Ō'ākī hire masíta basió'. Jesu Cristore ēho peó tīharā, uiró mariró “Maríre ye'égisami”, ni'f. Kī'f re sēri masí'. ¹³ Y'i'f misāre weré'ke bu'iri pi'et'í. Misāre a'tíro weeká íá. Y'i'f pi'etisere wākūrā, bihā wetitikā'ya. Pi'etígi, Ō'ākī hi misāre āyuró weé'kere apêrāre wākuká weé'.

Cristo masaré ma'isére masiáto ni'ngi, Paulo sēri basáse ni'f

¹⁴ Ō'ākī hi, marí wiōgi Jesu Cristo pakire e'katí peogi ehā ke'a'. Misā Judeu masa nítirāre āyuró weesére wākúgi, tohō weé'. ¹⁵ Ō'ākī hita pakí ni'f mi'ta'ki ni'fmi. Kī'f me'ra pakí niisé ni'ká'. Kī'f ni'f pe'tise kurarikāharā i'mísepi niirā, a'ti nukúkāpi niirā ni'káro me'ra niisétikā weeki niwī. ¹⁶ Marí pakire misa yeé niátehere sēri basá'. Kī'f āyú butia'gi, tutuā y'i'rigi ni'fmi. Kī'f Espírito Santo me'ra misāre wākú tutuakā weegísami. ¹⁷ Misā Cristore ēho peó, nemoró kī'f me'ra āyuró niáto ni'ngi sēri basá'. Apêye maa, misā Cristore, tohō niiká apêrāre āyuró ma'íkā íági sēri basá'. ¹⁸ Misā ni'f pe'tirā Ō'ākī hi yarā me'ra Jesu Cristo maríre ma'í y'i'ri ni'kasere masí dutigi sēri basá'. Kī'f ni'f pe'tirā masaré ipíti waro ma'imí. Wiōrā, mehō niirā, ni'f pe'tirāpireta ma'í nu'kukā'mi. Kī'f ma'isé neé pe'tisomé. ¹⁹ Misāre kī'f ma'isére masí dutigi sēri basá'. Kī'f ma'isére wākú pōo tēó masitisa'. Teé, kī'f ma'isére masíra, kī'f weeró noho āyurá, yā'asé moorā niirāsa'. Tohō weerā Ō'ākī hire kió y'i'riarāsa'.

²⁰ Ni'f pe'tirā “Ō'ākī hire āyú y'i'riami”, niáto. Kī'f ni'f pe'tise marí sērisé y'i'rióro o'ósami. Marí wākú'ke nemoró o'ó masisami. Kī'f tutuaró me'ra maríre tohō wee masísami. ²¹ Tohō weerā Ō'ākī hi marí Jesu Cristore ēho peóri kurakāharāre āyuró weeká i'yārā, ni'f pe'tirā Ō'ākī hire e'katí peo nu'kukā'ato. Tohō niiká Jesu Cristo masapíre weesére i'yārā, tohōta weeáto. A'tóka terokāharā, be'rokāhārā kē'ra tohōta Ō'ākī hire e'katí peo nu'kukā'ato. Tohōta wa'ārosa'.

Jesu Cristore ēho peórāre ni'káro me'ra niiséti duti'ke ni'f

4 Y'i'f marí wiōgi yee kitire weresé wapa, bu'firi da'rerí wi'ipi ni'f. Ō'ākī hi kī'f tutuaró me'ra maríre āyuró weeki niwī. Teeré wākúgi, misāre a'tíro weeká íá. Misā Ō'ākī hi besé'kārā weeró nohota āyuró weesétiya. ² Neé ni'kí “Apêrā y'i'rióro ni'f”, ni'f wākútikā'ya. Tu'tiró mariró keoró weeyá. Misāre yā'áro, mehékā weeká, wākú tutuaya. Apêrāre ma'írá, keoró weetikā i'yārā, tohō t'í'ó yā'akā'ya. ³ Espírito Santo misāre ni'káro me'ra niisétikā weemí. Misā ni'káro me'ra āyuró niisétirāti niirā,

a'mêri akobohóya. A'mêri äyuró wehê peo, kumúkã mariró nifya. ⁴Marí ni'ká kurakãharã nií'. Espírito Santo ni'kí niigí, marí nií pe'tirãpire niími. Ô'ákí hi i'mîsepi wa'ã dutigi marí nií pe'tirãre bese yuúki niíwí. ⁵Marí wiôgi Jesu Cristo ni'kitã niími. Marí nií pe'tirã kíîre ni'kãro noho êho peó'. Jesu Cristore siru tuúsere i'yórá, marí nií pe'tirã wamê yee no'o'. ⁶Ô'ákí hi marí paki ni'kitã niími. Kíî marí nií pe'tirã wiôgi niími. Kíî, kíî yarã me'ra kíî yeékãhasere weemí. Kíî yarã nií pe'tirãpire niími.

⁷Tohó niímikã, Cristo maríre, marí níkiere Espírito Santo me'ra wee masísere o'òki niíwí. ⁸Tohó weéro Ô'ákí hi yee kiti ohãka pûripi ohã'karo nohota nií'. A'tíro ohã no'okaro niíwí:

Kíî i'mîsepi mihãatoho diporo kíîre i'yã tu'tirãre
dokã ke'akã weéki niíwí. Kíî mihãaka be'ro masaré
Espírito Santo me'ra wee masísere o'òki niíwí.

⁹Kíî i'mîsepi mihãasere uúkürã, kíî toopí mihãatoho diporo a'tí di'tapi dihátiki niíwí yuhûpi, niíra weé'. Diháti, a'topí niíki niíwí. ¹⁰Kíîta taha a'tí di'tapi nií'ki i'mîse äyú butia'ropi Ô'ákí hi niirópi mihãaki niíwí. Tohó weégi nií pe'tiropi dutí masimí. ¹¹Jesu Cristo kíî yarãre, naã níkiere Espírito Santo me'ra wee masísere o'òki niíwí. Ni'karérãre bese kúú, kíî yeé kiti wererã sãhakã weéki niíwí. Äpêrãre Ô'ákí hi kíî uúkuse ti'ó'kere werê turiarã sãhakã weéki niíwí. Äpêrãre, masã pekã me'epi wa'ã boo'kãrãre y'i'ri wetise kitire werê kusiarã söróoki niíwí. Äpêrãre, Jesu Cristore êho peórãre si'orí niirã, tohó niikã kíî yeére bu'ê turiarãre kúúki niíwí. ¹²Tohó weé kíî yarãre kíî yeékãhasere da'raáto niígi tohó weéki niíwí. Kíî yaã kurakãharãre kíî iaró wee nemoáto niígi tohó wee masísere o'òki niíwí. ¹³Teeré weé, marí a'mêri wee tamúrá, Ô'ákí hi makíre nemoró êho peó nemorãsa!. Kíîre äyuró masírasa!. Tohó niikã Ô'ákí hi iaró nohota keoró wee masí nemorãsa!. Ô'ákí hi besé'ki Cristo äyuró niisétigi niíki niíwí. Marí kíîre êho peóri kurakãharã kê'ra kíî weeró nohota niisétirãsa!. ¹⁴Tohó weerã wí'marã weeró noho wee sirú tuú miharã niísome. Nií pe'tisetiri ma'mã bu'esére ti'órã, na'íro dika yuú mihasome. Nií soo me'rírã maríre mehêkã êho peókã weesomé. ¹⁵A'tíro pe'e bikirã weeró noho weerãsa!. Diakí hí a'mêri ma'í, uúkürãsa!. Siãpe me'ra diakí hí kãhasere êho peó tu'a eha ni'korãsa!. Tohó niikã, äpêrãre werê yapã da'reorãsa!. Nií pe'tise no'ó marí weesére Cristo me'ra niirã, kíî iaró wee nemórãsa!. Kíîta niími kíîre êho peóri kurakãharã dipoã. ¹⁶Tohó dipoã niígi, maríre keoró a'mé si'akã weemí. Marí ipí pehé dika watímiro, ni'ká ipita nií'. A'té weeró noho marí kíîre êho peórãre ni'ká kurata kíî me'ra ni'kãro me'ra niikã weemí. Marí êho peórã níki a'mêri wee tamúrá, siãpe me'ra wee tamú wã'ka, a'mêri ma'í tu'a eha ni'korãsa!.

Jesu Cristo me'ra ma'mã weesétisere boká'ke nií'

¹⁷Marí wiôgi dutiró me'ra misãre a'tíro wee dutí!. Misã Ô'ákí híre masítirã weeró noho weetíkã'ya. Too diporópi weeséti'ke nohore weetíkã'ya. Ô'ákí híre masítirã no'ó iaró wákú, weé ma'akã'sama. ¹⁸Naã tí'o masítima. Na'í tí'aropi niirã weeró noho niíma. Ô'ákí hi masaré äyuró weesére masítima. Ô'ákí hi yeere wákú sí'ritirã, tí'o masítirã weeró noho niíma. Tohó weerã Ô'ákí hi tiropi katí nu'kusome. ¹⁹Naã yã'ãro weesétisere neé bopôyatima. Naã no'ó iaró yã'ãro wee bahã ke'atima. Naã weé tí'sase, nií pe'tise yã'asére weemã. Naã weesére “Äyumítito?” nií wákútima. ²⁰Misã pûrikãre Cristo Ô'ákí hi besé'ki tohó weesére wee dutítiki niíwí.

²¹Misâ keoróta kîi yeé kitire ti'órã, masísa!. Kîi re êho peorã weesétisere Jesu bu'ê'kere masísa!. ²²Misâ too dipóropi weeséti'ke maa du'úkã'ya maha. Misâ “Yã'áro iári pehasere weerã, e'katírãsa!”, niî wãkûmpã. Niî wee!. Tohó weesé misãre dohorê'pã. ²³Misâ mehêkã wãkusere du'úkã'ya. Ô'ãkî hi dika yuú'karo nohota ma'mã wãkusere kioyã. ²⁴Ô'ãkî hi kîi weeró noho niisétiato niîgi, misãre ma'mã weesétisere o'ôki niîwî. Tohó weerã kîi iaró nohota teé ma'maré weeyã.

²⁵Tohó weerã a'mêri niî soosere du'úkã'ya. Marî niî pe'tirã Jesu Cristore êho peóri kurakãharã niî!. Tohó weerã a'mêri diakî hí uúkûro iã!.

²⁶Misâ uãrã, yã'áro weetikã'ya. Uã na'iatikã'ya. ²⁷Wãtî misãre uã dohakã weé si'risere ka'mú ta'aya.

²⁸Too dipóropi yaha poó'ki yaha nemótikã'ato maha. Yaharó noho o'ôgi, da'raato. Tohó weégi kîi basi kiogísami. Kîi da'rá'ke wapa me'ra pahasé kiorã kê'rare wee tamú masigísami.

²⁹Yã'asere uúkütikã'ya. A'tîro pe'e weeyã. Äyusé, no'ó masaré wee tamúse noho pe'ere uúküya. Tohó weerã, misã uúküse ti'órãre äyuró weerãsa!. ³⁰Niî pe'tise yã'áro weesére weetikã'ya. Espírito Santore bihá wetikã weetikã'ya. Ô'ãkî hi Espírito Santore o'osé me'ra misã “Ô'ãkî hi yarã niîma”, niî no'o!. Tohó weerã misã masí!, Jesu Cristo a'tikã'pi Ô'ãkî hi misãre äyuró yi'rió butia'gisami.

³¹Niî pe'tise a'mêri yã'áro ti'ó yã'asere, pûrîro uúküsere, uã yi'ri mahasere, a'mé tu'tise, uãrã karíküsere, tohó niikã äpêrãre yã'áro uúküse kê'rare du'úkã'ya. Neé ni'kiré i'yã tu'titikã'ya. ³²A'tîro pe'e weeyã. A'mêri äyuró wee tamú, pahã yã'aya. Ô'ãkî hi Cristo me'ra misãre akobohó'karo nohota misã kê'ra a'mêri akobohóya.

“Ô'ãkî hi pô'rare a'tîro niisétiro iã!” niî'ke niî'

5 Misã Ô'ãkî hi pô'ra kîi ma'irá niî!. Tohó weerã kîi weeró noho weeyã. ²Jesu Cristo marîre ma'í'karo nohota a'mêri ma'í nu'kukã'ya. Kîi marîre ma'ígi, wêrî basaki niîwî. Kîi wêrî basa'ke Judeu masa ovelha wi'magíre wêhé, Ô'ãkî hire i há moro peo'karo weeró noho niî!. Ô'ãkî hi naã i há morokã, ti'sãki niîwî. Teé weeró noho Jesu Cristo marîre wêrî basa'kere ti'sãki niîwî.

³Misã Ô'ãkî hi yarã niî toha!. Tohó weerã misã nimosã numia niítirãre, marapí simia niítirãre neé a'me tãrã baha ke'atitikã'ya. Niî pe'tise no'ó yã'áro weesére, yã'áro wãkusere weetikã'ya. Tohó niikã äpêrã yeere iári pehatikã'ya. Neé kã'ró yã'áro weesére wãkütikã'ya. ⁴Yã'asere uúkü buhíkã'titikã'ya. No'ó iaró uúkü ma'atikã'ya. Tohó weesé keoró niî wee!. Tohó weeró noho o'ôrã, a'tîro pe'e weeyã. Ô'ãkî hi äyuró weesére a'mêri uúkü, kîire “Äyú!” niîya. ⁵Misã masí tohasa!. No'ó iaró a'me tãrã baha ke'atirã noho Jesu Cristo yarã niítima. Ô'ãkî hi niirópi wa'ásome. Meharóta taha yã'asere weegí, tohó niikã a'ti imí kohokãhase iári peha yi'ri ni'kagi kê'ra kîi tiropi wa'ásome. A'ti imí kohokãhase iári peha yi'ri ni'kase Ô'ãkî hi mehereta êho peóse niî!. ⁶Ti'o masíya. Ô'ãkî hi teé yã'asé weerãre kîi re yi'ri ni'karãre pekã me'epi bu'iri da'rêgisami. Naã yã'áro weesére “Äyusé niî!”, niî boosama. Naã tohó uúkü maa soosere neé êho peótikã'ya. ⁷Ô'ãkî hire yi'ri ni'karãre naã yã'áro weesére neé kã'ró bu'í peha tamutikã'ya.

⁸Misã too dipóropire yã'áro weesétirã, na'í tî'aropi weeró noho niikãrã niîwî. Ô'ãkî hire masítikãrã niîwî. Ni'kãroakã pûrikãre marî wiôgi yarã

niirā, bo'rê yuuropi niirā weeró noho nií'. Ô'âkî hi yeekâhasere masí'. Kîi yarâ weeró noho weesétiya. ⁹Marí bo'rê yuuropi niirā, âpêrâre âyuró weé'. Tohó niikâ wee soóse mariró Ô'âkî hi iaró noho keoró weé'. ¹⁰Nií pe'tise misâ weesé nohore “Marí wiôgi e'katgísari?” nií wākûya. ¹¹Jesu Cristore êho peótirā na'í tî'aropi niirā weeró noho niísama. Naâ no'ó iaró weé ma'asama. Misâ naâ weeró noho weetík'alya. A'tîro pe'e weeyá. Naâ weesére “Yā'asé Ô'âkî hi wee dutítise nií” nií, bahû yoaropi i'yoyá. ¹²Naâ ya'yióropi yā'âro weesére marí uúkukā, bopôya nií'. ¹³Bo'rê yuuropire nií pe'tise bahú'. Marí naâ yā'âro weé'kere yā'â nií' niirā, bahû yoaropi i'yó'. Tohó weeká, naâ yā'âro weesére masísama. Masírā, naâ kē'ra dika yuú boosama. ¹⁴Tohó weéro Jesu Cristore êho peótirāre a'tîro uúkū no'o':

Mi'î kârigí, ti'o masítigi weeró noho nií'. Wākayá.

Ô'âkî hi i'yóropire wēri'ki weeró noho nií'. Tohó niímigi, masayá. Ti'o masíya. Cristo Ô'âkî hi besé'ki misāre bo'rê yuuropi niirāre weeró noho weegísami, nií no'o'.

¹⁵Tohó weerā misâ weesére âyuró wākū kasa ni'koya. Ô'âkî hi yeere masítirā weeró noho niítikā'ya. Kîi yeere masírā weeró noho pe'e âyuró niíya. ¹⁶A'tóka tero pehé yā'asé nií'. Tohó niímikā, a'tîro weeyá. Nií pe'tise misâ weesétisetiri niki Ô'âkî hi iaró weeyá. ¹⁷No'ó iaró weé ma'atikā'ya. “Yē'e nohó pe'e Ô'âkî hi iasé niíti?” nií wākûya. ¹⁸Ke'atikā'ya. Tohó weesé pe'ti dihāse nií'. E'katí si'rírā, Espírito Santore kió y'i'ri mahaya. ¹⁹Ô'âkî hi yee basasére, Salmo wamētiri pūripi ohā'ke nohore a'mēri werēya. Marí wiôgire ipíti e'katí peose me'ra basā peoya. ²⁰Marí wiôgi Jesu Cristore êho peorā, nií pe'tisere Ô'âkî hi marí pakire “Áyú” nií nu'kukā'ya.

Ni'ká wi'ikāharā Jesu Cristore êho peorāre dutisé nií'

²¹Cristore misâ êho peóse bu'iri wio pesāse me'ra a'mēri i'yāya.

²²Marâpitirā numia, marí wiôgire yí'tí êho peoro nohota misâ marapí simiare yí'tí êho peóya. ²³A'tîro nií'. Cristo kîi re êho peóri kurakāharā dipoá niími. Tohó weeró noho marâpitigore koô marapí koô wiôgi weeró noho niími. Apêye kē'rare Cristota kîi yaá kurakāharāre yí'riógi niími. Marí kîi yaá ipikāharā nií'. ²⁴Marí kîi yaá kurakāharā kîi dutisé doka nií'. A'té weeró noho marâpitirā numia kē'ra nií pe'tise naâ marapí simia dutisé doka niiró iá'.

²⁵Cristo kîi yaá kurakāharāre ma'ígi, mari yeé niíatehere wēri basaki niíwī. Kîi ma'í'karo nohota, nimôtirā, misâ nimosá numiare ma'yá.

²⁶Jesu Cristo kîi yaá kurakāharāre kîi yarā nií dutigi tohó wēri basaki niíwī. Kîi yeé kitire êho peókā, marí yā'âro weé'kere kō'â dika yuúká weemí. Akó me'ra ū'iritisere koeró weeró noho weemí. ²⁷Kîi, kîi yaá kurakāharāre ayú butia'rā kiogíti niígi, tohó weemí. De'ró niisē yā'asé moorā, bu'iri marirā wa'akā weemí. ²⁸Jesu Cristo kîi yaá kurakāharāre ma'í'karo nohota, misâ nimôtirā, misâ nimosá numiare ma'iró iá'. Misâ basi ma'iró nohota ma'yá. No'ó kîi nimoré ma'ígi noho kîi basi ma'ígi weemí. ²⁹A'tîro nií'. Neé ni'kí kîi ipiré ma'itíkā weetími. A'tîro pe'e weemí. Áyuró ba'â, kîi ipiré ko'têmi. Cristo kîi yaá kurakāharāre tohōta weemí. Maríre ma'ígi, âyuró ko'têmi. ³⁰Marí kîi re êho peóri kurakāharā kîi yaá ipi nií'. ³¹Ô'âkî hi yee kiti ohāka pūripi a'tîro ohā no'okaro niíwi:

Tohó weégi nimôtigi kîi paki simiá me'ra nií'ki naāre wihāagisami.

Wihāa, kîi nimó me'ra niígisami. Ô'âkî hi i'yóropire naâ piará ni'ká ipi niirāsama, nií ohā no'okaro niíwi.

³² Teé ti'otá basiótise paka nií'. Tohó niímikā, yi'f pe'e Cristo, tohó niiká kīi re ēho peóri kurakāharāre naā ni'kā ipi niíma niisére uúkū'. ³³ Tohó niímigi, a'té kē'rare niígiti. Nimótirā niki misā basi ma'iró nohota misā nimosā numiare ma'iyá. Numiā kē'ra, misā marapí simiare āyuró yi'tí ēho peóya.

6 Wi'mará, ma'mā piha, Jesu Cristore ēho peórā misā paki simiá dutisére āyuró yi'tiyá. Tohó weesé āyú nií'. ²⁻³ Dīporópi Ô'ākī hi Moisére kīi dutisére kūūki niūwī. Ni'kāro dutisére a'tíro niíki niūwī: “Misā a'téré yi'tikā, āyuró weegíti”, niíki niūwī. A'tíro niíkaró niūwī: “Misā paki, misā pakore ēho peóya. Misā tohó weérā, e'katírāsa'. A'ti nukúkāpire yoakā katírāsa'”, niíki niūwī. ⁴ Paki simiá, misā pō'rare na'íro tu'títikā'ya. Naā uakā weetikā'ya. A'tíro pe'e weeyá. Keoró weesére bu'ê masoya. Naā yā'áro weeká, “Tohó weetikā'ya”, niíya. Naāre marí wiōgire ēho peókā, kīi iaró nohota weeká weeyá. ⁵ Da'rā ko'terā, misā wiōrā naā dutisére yi'tiyá. Jesu Cristore da'rā ko'terā weeró noho āyuró wee soóro mariró wio pesáse me'ra naāre ēho peóya. ⁶ Naā i'yóropire āyuró da'rayá. Naā i'yátiropi kē'rare meharóta weeyá. Misā wiōrā i'yóropi di'akí āyuró da'rārā, nií soorā wee boósa'. Misā wiōrā “Āyuró da'ramí”, nií wākú dutirā wee boósa'. Tohó weetikā'ya. Jesu Cristore da'rā ko'terā weeró noho Ô'ākī hi iaró noho āyuró ti'sasé me'ra da'rayá. ⁷ E'katíse me'ra Jesu Cristore da'ra basará weeró noho ti'ó yā'aya. Masá di'akíre da'ra basará weeró noho ti'ó yā'tatikā'ya. ⁸ Misā masí toha', marí wiōgi marí nikire wapa yeégisami. Da'rā ko'terā, da'rā ko'tetirāre meharóta marí āyusé we'ékaro ehā tu'aro wapa yeégisami. Tohó weérā āyuró da'rayá.

⁹ Dutirā, misā kē'ra meharóta misāre da'rā ko'terāre āyuró weeyá. Naāre yā'áro tuu nirítikā'ya. Wākúya, misā kē'ra naā weeró noho i'mí sepire ni'kí wiōgi kió'. Kīi pūrikā nií pe'tirā masaré neē dika waáro mariró ni'kāro noho i'yāsami.

Ô'ākī hire ēho peórā a'tíro weeró iá' niisé nií'

¹⁰ Ni'kāroakā maa a'tíro ohāgiti. Akawerērā, misā marí wiōgi me'ra nií'. Tohó weérā kīi tutuā yi'rise me'ra wākú tutuaya. ¹¹ Wātí misāre nií soo me'rikā, Ô'ākī hi wee tamúse me'ra ka'mú ta'aya. A'tíro weeró noho nií'. Ni'kí surára a'mé wēheropi wa'āgi, kīi ipiré ka'mú ta'agi kome sapéare, komé su'tirote sâyāsami. Tohó weeró noho Ô'ākī hi maríre tutuará nií dutigi o'osére kioyá. Teeré kiórā, wātí yā'áro weesére ka'mú ta'a masirāsa'. ¹² Marí Ô'ākī hi iaró weé si'rírā, a'mé wēherā weeró noho nií'. Masá me'ra a'mé wēhero weeró noho nií wee'. Wātiā wiōrā tutuará me'ra a'mé wēhe'. Wātiā a'ti imí kohokāhase yā'áro weesére dutirā niíma. Naā pāhará bahutírā masaré wākusépi yā'áro wee dutirā nií kehe sāsasama. ¹³ Tohó weérā nií pe'tise Ô'ākī hi misāre tutuará nií dutigi o'osére kioyá. Teeré kiórā, nií pe'tisetiri niki wātí misāre yā'áro wee dutíkā, tutuārāsa'. Misā a'tíro weéka be'ro wākú tutuarā niírāsa'. Tohó weérā surára a'mé wēheropi wa'āgi, nií pe'tise komé su'tire wehē sāya'karo weeró noho weerāsa'. ¹⁴ Surára kīi yaró su'tíro bu'i ehēri tuusami. Be'ró kīi kutírore ka'mú ta'agi komé su'tirote sâyāsami. A'té weeró noho misā Ô'ākī hi o'osé me'ra tutuará niíya. Surára āyuró ehēri tuu'karo weeró noho diakí hí káhase Ô'ākī hi yeere āyuró uúkū, wākú niri, niisétiya. Surára kīi kutírore ka'mú ta'asami. Kīi ka'mú ta'aro weeró noho misā kē'ra a'tíro weeyá. Wātí yā'áro weesére ka'mú ta'ahā, Ô'ākī hi wee tamúse me'ra āyuró weeyá.

¹⁵ Surára a'mê wêhegi wa'aátoho diporo kîî di'pôkârire ka'mú ta'aato níigi sapátore sâyásami. Kîî weeró noho misá kê'ra Jesu Cristo yee kitire werêrâti níirã, wákú yuuya. A'te kití a'tíro níî!. Jesu Cristo wêrisé me'ra Ô'âkî hi masaré yî'rióki níîwî. ¹⁶ Apêye kê'rare ipiré ka'mú ta'arore kiosamí. Kîî me'ra a'mê wêherã, naâ biesépagi pekâ me'e me'ra kiosére toó me'ra ka'mú ta'akîhi tohó weesamí. A'té weeró noho wâtí misâre yâ'áro weé sî'risere ka'mú ta'arã Ô'âkî hire êho peóya. A'tíro níiyya: “Yî'îre âyuró yî'ri wetíkã weegísami”, níî êho peóya. ¹⁷ Surára kîî dipôare ka'mú ta'a sî'rîgi kome sapéare pesásami. Kîî weeró noho wâtí misâ wâkusere dohoré! sî'rikã, “Ô'âkî hi yî'rió no'o'kãrã níî!”, níiyya. Apêye kê'rare surára a'mê wêhegi pahirí pîhi di'pîhihóre miáasami. Kîî weeró noho misá kê'ra Espírito Santo o'ôka pîhire kioyá. Tii pîhí Ô'âkî hi uúkuse níî sî'rîro weé!. Kîî uúkuse me'ra wâtíre ka'mú ta'a masí!. Tohó níiká níî pe'tise yâ'asére kô'á masí!. ¹⁸ Níî pe'tise yâ'asére, wâtiãre ka'mú ta'arã Ô'âkî hire sêri nu'kukã'ya. Espírito Santo wee tamúse me'ra sêriyá. Tí'o masíse me'ra sêri du'utirãta, níî pe'tirã kîî yarãre sêri basá nu'kukã'ya. ¹⁹ Yî'î kê'rare sêri basáya. Yî'î Ô'âkî hi yeere weresétiri níki kîî uúkusere yî'îre o'oáto. “Uiró mariró Jesu Cristo yee kitire masá masí no'oya marí'kere werêta basiókã weeáto”, níî sêri basáya. ²⁰ Ô'âkî hi yî'îre a'te kitíre weré dutígi o'ôo'wî. Yî'î kîîre díka yuúgi weeró noho níî!. A'te kitíre weresé bu'iri ní'kãroakãre yî'î bu'iri da'rerí wi'ipi níî!. Toopí níimigi, yî'îre a'te kitíre uiró mariró wereáto níirã, sêri basáya.

Paulo áyu dutí tio'ke níî'

²¹ Tíquico marí akawerégi weeró noho níimi. Kîî yî'î ma'igí níî pe'tise yee kitíre misâre werégi wa'ágisami. Kîî marí wiôgi yeekãhasere wee tamúgi níimi. ²² Tohó weégi ísa yeé kitire weré dutígi kîîre misá tiropi o'ôo!. Tohó o'ôo'ká, wákú tutuarásama níigi, tohó weé!. ²³ Ô'âkî hi marí paki, tohó níiká marí wiôgi Jesu Cristo a'tíro weeáto. Níî pe'tirã misá Jesu Cristore êho peórãre âyuró ehêri pô'ratikã weeáto. Êho peó, a'mêri ma'í nemókã weeáto. ²⁴ Ô'âkî hi níî pe'tirã Jesu Cristore ma'í nu'kurãre âyuró weeáto.

Toô kã'rota ohâ!. Paulo